

Pita ndê bapia tilu-nga Yom whê bapia dindéc sa-nga

Pita to ndê bapia tilu-nga hêganônɔ lau sêkêɔ whiɔ-nga nan sêmbô babalip yêc nom ɔgamenɔ tidau-tidau. In to bu kêɔ puc ɔac pi kêdôhônɔwaga tasanɔ daêsam nan sêhôn asê. Lau dau sêndôhônɔ lau bu Yisu oc mbu meɔ dom, ma sêsôm bu mêtê sac in mêtê ɔayham.

Pita po lau sêkêɔ whiɔ-nga sa tu ɔac si lêɔ ti sakiɔ-nga ma kêgilí ɔac bu sêlhac ɔanɔga tu Yisu-nga. In whê sa bu Yisu mbu meɔ ɔagahô dom, ɔahu bu Anötô atac whiɔ bu lau hon sênem dau kwi, ma sêtap Anötô ndê mwasinɔ nem ɔac si-nga sa, dec tiɔambu Yisu oc mbu meɔ. Ma in kêɔ puc lau pi ɔagêyô sac nan gic waê kêdôhônɔwaga tasanɔ, ma pi lau hon nan sêtec yom ɔandô ma sêsap mêtê sac dôɔ.

Pita gic hu ndê bapia tilu-nga

¹ Aô Saimon Pita, Yisu Kilisi ndê aposel ti ndê ɔgac akiɔ, gato bapia dindéc têɔ mac lau nan akêɔ whiɔ in. Anötô kêmwasiɔ mac awhiɔ yac ɔa mwasinɔ ɔayham kêlêc, dec dati lau dakêɔ whiɔ-nga. Ma yac dakêɔ whiɔ bocdec bu, Anötô gêlic yac datôm lau gitêɔ tu Yisu Kilisi, yac neɔ Anötô ma ɔgac Gêm Yac Si-nga, nan ndê lêɔ gitêɔ-nga. ² Yac atenɔ mbec bu Anötô kêɔ gauc têɔ mac bu anɔyalê inɔlu yac neɔ Pômdau Yisu Kilisi, e inɔlu si mwasinɔ ti yom malô êɔsalê mac ahuc.

Anötö ndê kêyalin ti kêgalêm yac sa ña-ñandô

³ Anötö kêgalêm yac sa, ñahu sip in dau ndê ñawasi atu ti ndê mêtê gitên. Ma in kêmwasiñ yac ña in dau ndê ñaclai atu, dec puc yac dôn bu dambo tanli ti datoc in sa ñapep ña yac neñ lên hon. Ma yac datôm bu dakôm bocdinañ, ñahu bu in ndê ñaclai gêm yac sa bu tanjalê in tidôn. ⁴ Ma tu in dau ndê ñawasi ti mêtê gitên-nga, dec in gic bata bu kêñ mwasiñ atu ma ñayham kêlêc tên yac. Ma mwasiñ dau oc kôm gwelen yêc yac neñ ñalôm, tu bu nem yac kwi-nga e dasa neñ lên gitên ti dabun en ma datôm in dau, ma dalhö su yêc lên dandinan-nga nan gic waê lau nan sêsap mêtê ñalôm ñagalac-nga dôn.

⁵ Tu yom hon dinañ-nga dec ayob daôm ñapep bu mac nem akên whin ti gên ñandô mbasi-nga dom. Asa nem lên akên whin-nga ti nem ñalôm sambuc, ma asap mêtê ñayham dôn. Ma ati lau tigauc tu lên ñayham bu asa-nga. ⁶ Atimêtê daôm ñapep, ma alhac ñannga en. Asa nem lên hon ñapep en, tu bu atoc asê bu mac atoc Anötö sa. ⁷ Ma asap mêtê atac whin nem asidôwai-nga dôn e andic dabin nem lên atac whin lau hon-nga. Ñalên dinañ dec mac nem akên whin oc ti gên ñandô mbasi-nga dom. ⁸ Mêtê hon dinañ bu êñsôwec tiatu-tiatu ñapan e tidôn mac ñandô, dec mac nem gauc anyalê yac neñ Pômdau Yisu Kilisi-nga oc ti gên ñambwa ma ñandô mbasi-nga dom. ⁹ Bu asa nan sôm bu in kêyalê Pômdau, magoc kôm mêtê ñayham-ñayham dinañ dom, nan gitôm ñamalac tandô pec nan gêlic gameñ dom, ma in kêlhin sin bu sac hon nan in kôm muñ-nga, nan Anötö suc kwi su ma kêgwasiñ in ndê ñalôm ñawasi

sa.

¹⁰ Tu dinaŋ-ŋga aneŋ asidôwai, aŋsahê ŋaŋga bu asap mêtê ŋayham hoŋ dinaŋ dôŋ, tu bu tôc asê bu Anötö kêyalin ti kêgalêm mac sa ŋambwa lec dom. Ŋahu bu mac bu asap mêtê dau dôŋ, dec oc tôm dom bu mac apeŋ. ¹¹ Ma bocdinaŋ Anötö oc kôc mac sa atôm lau ti waê atu, bu ambo gameŋ naŋ yac neŋ Pômdau ti Ŋgac Gêm Yac Si-ŋga Yisu Kilisi gêm gôlin, naŋ oc yêc ŋapaŋ.

Pita tec bu sêŋlin yom ŋandô sin

¹² Tu dinaŋ-ŋga dec aö bu wakêŋ puc mac bu gauc nem yom hoŋ dinaŋ ŋapaŋ. Aö kayalê bu mac akôc yom ŋandô sa ma aŋyalê tidôŋ su. ¹³ Magoc aö galic ŋayham bu wakêŋ puc mac tôm aneŋ têm wambo taŋli-ŋga hoŋ bu aŋlin yom dau sin dom. ¹⁴ Bu Pômdau Yisu Kilisi hoc asê têŋ aö bu aneŋ têm wahu nom dindéc sin-ŋga meŋ kêpin su. ¹⁵ Bocdinaŋ kwahic dec aö tac whin ŋandô bu mac aŋyalê yom hoŋ dindéc tidôŋ sambuc yêc nem ŋalôm, bu têŋ ndoc aö bu wahu mac sin, naŋ mac oc gauc nem yom dindéc ŋapaŋ, ma akôm ŋandô sa.

Pita puc lau aposel ti propet si yom dôŋ bu yom ŋandô

¹⁶ Yom naŋ yac lau aposel ahoc asê têŋ mac pi Pômdau Yisu Kilisi ndê ŋaclai ti ndê bêc mbu meŋ-ŋga, naŋ ŋahu sip yom ŋambwa naŋ ŋamalac gauc kê dom. Mba. Yac daun alic in ndê ŋaclai ti ŋawasi atu su. ¹⁷⁻¹⁸ Bu yac ambo awhin Kilisi yêc lôc dabuŋ, ma aŋgô in Damba Anötö Ŋawasi Ŋadau ndê awha naŋ sa akêŋ undambê. Anötö dau toc Kilisi sa, ma po in ndê waê sa têŋ ndoc in sôm yom pi in

bocdec bu, “Aö neŋ atunḡac dau dindec. Aö galic inḡ ŋayham, ma atac whinḡ inḡ ndu andô.”

¹⁹ Gêŋ honḡ naŋ yac alic ti anḡô, naŋ puŋ yom naŋ propet akwa-kwa sêhoc asê ti sêto muŋ su, naŋ dôŋ têŋ yac. Bocdinaŋ atôc gwaninḡ yom dau ŋapep, bu whê nem gauc sa pi yom ŋandô, gitôm ya ŋawê naŋ pô gameŋ ŋasec. Ma asap yom dau dôŋ e Kilisi mbu meŋ, ma tôc gêŋ honḡ tiawê têŋ mac, gitôm Têtênda bêbêc-ŋga pi meŋ ma bêc wakuc meŋ sa. ²⁰ Ma aŋyalê gêŋ atu daŋ bocdec bu, yom honḡ naŋ Anötô ndê propet sêto, naŋ ŋadaŋ ŋahu yêc ŋac dau-ŋga dom. ²¹ Bu yom naŋ propet sêhoc asê, naŋ ŋahu yêc ŋamalac dom, magoc sêhoc Anötô dau ndê gauc ti yom asê tôm Ŋalau Dabuŋ kac ŋac.

2

Kêdôhônḡwaga tasanḡ oc sêmenḡ

¹ Magoc propet tasanḡ sêmbô lau Israel-ŋga ŋalôm, sêwhinḡ Anötô ndê propet ŋandô, ma ŋalêŋ tigenḡ kêdôhônḡwaga tasanḡ oc sêtisa yêc mac lau akêŋ whinḡ-ŋga nem tonḡ ŋalôm bocdinaŋ. Ŋac oc sêŋsau bu sêndôhônḡ yom ŋandô, magoc yom dau inḡ yom tasanḡ, ma gitôm bu tim lau e sêniŋga gacgenḡ. Yom ŋandô pi Pômdau naŋ gêmlihi ŋac su, naŋ ŋac oc sêsêc ahuc, ma bocdinaŋ dec têŋ bêc ŋambu-ŋga, Anötô oc tinḡ ŋac su sêniŋga ŋagahô eŋ. ² Ŋac oc sêtim lau daêsam naŋ sêkêŋ whinḡ gwalec, e sêŋkuc ŋac ma sêkôm mêtê mayanḡ-ŋga tidau-tidau tôm ŋac dau sêkôm. Ma tu ŋac si lêŋ dinaŋ-ŋga, dec lau ŋatô oc sêpu yac lau dakêŋ whinḡ-ŋga neŋ lêŋ yom ŋandô-ŋga. ³ Ŋac lau atac whinḡ mone-ŋga, dec ŋac oc gauc kê minḡ tu sêndôhônḡ mac-ŋga, ma sêmbac-sêmbac

yom mac bu anemlhi ñac. Magoc yom matôc-ñga nañ Anötö kêmatinñ tidônñ munñ su tu sêniñga-ñga, nañ hôñ ñac gitôm ñacyo nañ yêc bêc dom, magoc gêm nenenñ ñac mbo.

Lau sac oc sêwê Anötö ndê matôc sa dom

⁴Akôc gauc pi yom dindec. Anjela nañ sêkôm sac, nañ Anötö hu ñac si yom sinñ dom, magoc kêñ ñac sêndöc gapocwalô lambwam-ñga, bu sêndöc ñasec ñalôm e tôm bêc matôc-ñga hôc asê. ⁵Ma lau nañ sêkôm sac têtñ têm ñamata-ñga, nañ Anötö hu ñac si yom sinñ dom bocdinañ. Mba. Inñ kêñ bu suñ atu ma señ lau sac honñ su sinñga, magoc Noa nañ tôc lêtñ gitêtñ ti ndê gôlôwac 7, nañ Anötö gêm ñac sa. ⁶Ma gauc nem malac atu Sodom ma Gomora ti lau honñ nañ sêndöc dinañ, nañ Anötö kêñ ya gêtñ su e ñadaê ñambwa yêc. Gêtñ dau tôm dôhônñ pi gêtñ nañ lau nañ sêsap mêtê sac dôñ, nañ oc sêtap sa têtñ bêc ñambu-ñga. ⁷Têtñ ndoc dinañ Anötö kêgaho Lot su yêc malac Sodom, bu inñ ñgac gitêtñ nañ ñalôm ñawapac ñandô tu lau sac malac dinañ-ñga si mêtê ñadômbwi tidau-tidau-ñga. ⁸Yomandô. Lot inñ ñgac gitêtñ ma ndê ñalôm ñawasi. Ma mêtê sac nañ inñ ñgô ti gêlic yêc malac dinañ tôm bêc honñ, nañ kêñ wapac inñ ndê ñalôm. ⁹Yom honñ dinañ tôc asê bu lau nañ sêsap Anötö ti ndê lêtñ dôñ, nañ Pômdau gitôm bu nem ñac si yêc ñawapac ti saê nañ tap ñac sa. Ma inñ gitôm bu hê lau sac si yom dôñ e inñ kêñ ñagêyô têtñ ñac têtñ bêc ñambu-ñga. ¹⁰Ma inñ oc kêñ ñagêyô sac sambuc têtñ lau nañ sêñkuc mêtê ñalôm akwa-ñga nañ kôm ñac ñadômbwi sa yêc inñ anğô-ñga, ma sêtec bu sêsôc Pômdau me lau danñ ñapu.

Kêdôhônñwaga tasanñ si lêtñ

Kêdôhônwaga tasan nan sêmbô sêwhin mac, nan sêtoc dau sa ma sêkôm gêñ hon yêc lau anğô-nga ti maya pac. Nac sêtoc dau dom tu sêsôm yom sac-sac pi Anötö ndê lau ti nawasi.* ¹¹ Anötö dau ndê anela nan si naclai ti nanğa hóc gêlêc nac lau dau si su, nan sênğolin yom me sêsôm yom sac dan pi lau ti nawasi yêc Pômdau anğô-nga dom. ¹² Magoc kêdôhônwaga tasan dinan sêsôm yom sac-sac daêsam pi Anötö ndê gêñ nan sênğalê nahu dom. Nac sêtom bôclai nan sênğalê lêñ malô ti gauc nayham dan dom, nan lau sêlô sip huc ma sic ndu. Ma tôm bôclai sic waê bu sênğga, dec kêdôhônwaga tasan dinan oc sênğga bocdinan.

¹³ Anötö oc kêñ nageyô sac têñ nac ô sac nan sêkôm têñ lau. Nac atac whin mêtê sênôm ti sênên asam-nga, ma maya mbasi dec sêkôm têñ acsalô en. Têñ ndoc sêndôc ti señ gêñ sêwhin mac, nan sêhu si mêtê sac sin dan dom, ma bocdinan sêkôm mac nem waêm nayham tisac. ¹⁴ Nac lau tagatu mockain-nga, nan si nalôm ti gauc sap mêtê sac dôn napan. Nac sêtim lau nan si sêkên whin babalê, ma sêhê nac bu sêkôm sac sêwhin nac. Ma nac lau gwalam akwa tu tagatu lau si gêñ-nga. Bocdinan dec sic waê bu sêtap Anötö ndê atac nandê sa. ¹⁵ Nac sêhu lêñ solop sin gacgen, ma sênkuc Beo atungac Balam ndê lêñ. Ngac dau atac whin mone hóc gêlêc, dec kôm sac tu tap awa sa-nga. ¹⁶ Ma tu in ndê lêñ dinan-nga dec Anötö kêñ donki dan sôm in. Donki dau in gêñ sôm yom-nga dom, tigen Anötö kôm in

* **2:10:** Lau ti nawasi - yêc ndê bapia, Pita to yom tigen nan 'nawasi.' Lau natô gauc gêm bu yom dau hêganôn anela, magoc lau natô gauc gêm bu yom dau hêganôn lau sêkên whin-nga, me lau sêkên whin-nga si lau bata.

sôm yom tôm ñamalac, bu lhac propet dau ndê lêñ gauc mbasi-ñga ahuc.

¹⁷ Lau dinañ sêtôm bubata nañ tibasô ma yawalec nañ mbu oc soc su niñga ñagahô eñ. Anötö kêmasañ gameñ ñasec atu dañ tu ñac sêndöc-ñga.

¹⁸ Ñac sêsôm yom ñambwa-ñambwa tu sêtoc dau sa-ñga. Ma sêñsahê bu sêtim lau sêkêñ whiñ-ñga wakuc bu sêmbu sêtêñ lêñ sac-ñga nañ ñasawa apê eñ sêhu siñ su, nañ sêndi. Ñac sêñgili lau kaiñ dinañ bu sêsa lêñ ñalôm ñagalac-ñga, nañ meñ akêñ ñalôm akwa. ¹⁹ Ñac sêndôhôn lau dau bu yao dañ yêc dom, dec sêtôm bu sêkôm gêñ tôm si atac whiñ. Magoc ñac dau ñac lau akiñ ñambwa ma mêtê sac ti ñac si ñadau. Tôm mac aňyalê su, gêñ sake nañ ndê ñaclai gêm gôliñ yac, nañ ti yac neñ ñadau ma tam akiñ iñ. Tu mêtê sac dinañ-ñga, dec sic waê bu sêniñga.

²⁰ Bu lau nañ sêñyalê yac neñ Pômdau ma Ngac Gêm Yac Si-ñga Yisu Kilisi, nañ sêhu lêñ sêniñga-ñga siñ su. Magoc ñac bu sêmbu sêtêñ lêñ sac-ñga dau tiyham, goc mêtê sac ku ñac dulu. Ñac sêkôm dandi sêtisac sambuc, hóc gêlêc ñamata-ñga su. ²¹ Ñac bu sêñyalê lêñ gitêñ dañ su dom, nañ oc ñayham hóc gêlêc sêñyalê su ma sêhu siñ, ma sêpuc dômbwê Pômdau ndê yomsu dabuñ nañ aposel sic dulu têñ ñac. ²² Gauc nem yom gôliñ lu nañ lau sêsôm bocdec bu, “Giam dañ guluc ma kac dau kwi gi gêñ tiyham,” ma “Bôc nañ sêñgwasiñ ñawasi sa, nañ mbu gi gic matob tiyham.” Yom gôliñ lu dinañ hêganôn lau tasan dinañ solop. Ñahu bu sêñyalê Pômdau su, magoc sêmbu sêtêñ lêñ sac-ñga tiyham.

Pômdau ndê bêc mbu meŋ-ŋga

¹ O aneŋ lau atac whiŋ-ŋga, kwahic dec aö gato bapia tilu-ŋga têt mac. Bapia lu-lu bu sêpuc yom ŋandô naŋ akôc sa su, naŋ dôŋ yêc nem gauc ŋapaŋ, ma bu êŋgilí mac bu akôc gauc ŋayham eŋ. ² Aö tac whiŋ bu mac akôc gauc tiyham pí yom naŋ propet dabuŋ sêhoc asê muŋ su, ma pí yom naŋ yac neŋ Pômdau ma Ngac Gêm Yac Si-ŋga gic atu ma kêŋ têt lau aposel bu sêndic dulu têt lau.

³ Gêŋ atu naŋ aö bu wakêŋ puc mac pí, naŋ bocdec bu. Gauc nem bu têt têt ŋambu-ŋga lau oc sêmeŋ naŋ sêkôm gêŋ hoŋ têt ŋac dau si atac whiŋ, ma sêsu mac susu ma sêpu Anötö ndê lêŋ.

⁴ Ŋac oc sêsôm, “Yisu sôm bu oc mbu meŋ ma kôm gêŋ hoŋ tiwakuc, a? In mbo nde? Têt ndoc damaŋi sêmbac ndu ma meŋ têt kwahic dec, naŋ dalic bu gêŋ dan tiwakuc dom, ma gêŋ hoŋ yêc têt têt ŋamata-ŋga andô, têt ndoc nom ti gêŋ hoŋ sêhoc asê ma kêsêlêŋ meŋ.” ⁵ Lau naŋ sêsôm yom kainŋ dinaŋ, sêsêc Anötö ndê ŋaclai, naŋ sêŋyalê su, naŋ ahuc. Bu ŋac sêŋyalê su bu wandêc dan su Anötö sôm yom ŋa whaŋsuŋ ŋambwa ma undambê hóc asê, ma in sôm bu bu lêc dau sa ndi poc dau-ŋga, e gameŋ tibasô yêc bu ŋasawa. ⁶ Ma tiŋambu in kêŋ bu dau dinaŋ suŋ e seŋ nom ti gêŋ hoŋ su siŋga. ⁷ Ma Anötö kêmatinŋ yom tidôŋ whiŋ, bu ya oc neŋ undambê ti nom kwahic dec-ŋga su, têt bêc naŋ in oc êmatôc lau hoŋ, ma seŋ lau sac su sêniŋga.

⁸ O aneŋ lau atac whiŋ-ŋga. Anŋhiŋ siŋ dom bu Pômdau gêlic bêc tigeŋ gitôm yala 1,000, ma yala 1,000 gitôm bêc tigeŋ. ⁹ Lau ŋatô sêlic bu Pômdau mbu meŋ ŋagahô dom, dec sêkôc gauc so ma sêsôm

bu yom ñatô nañ inñ gic bata su, nañ inñ oc kôm ñandô sa ñagahô dom. Magoc mba. Inñ kôc ndê ñalôm dônñ tu mac-nga, ñahu bu inñ tec bu lau danñ sêniñga, magoc tac whiñ bu lau honñ sênem si ñalôm kwi ma sêhu sac siñ. Tu dinañ-nga dec inñ mbu menñ ñagahô dom.

¹⁰ Magoc Pômdau ndê bêc mbu menñ-nga oc hôc asê ñapuc mbasi tôm lau kanñ si ndoc sêmenñ-nga. Undambê oc hê su ti ñakêcsia atu, ma ya oc neñ nom ti gêñ honñ nañ yêc nom ti umbonñ ñapu, nañ su sêniñga. ¹¹ Akôc gauc ñapep. Gêñ honñ oc sêniñga ñalêñ dinañ, ma bocdinañ dec mac gauc gêm bu lêñ bocke solop gic waê yac lau dakêñ whiñ-nga bu tañkuc? Solop bu mac asa lêñ dabuñ, ma akôm mêtê nañ Anötö tac whiñ eñ. ¹² Ahônñ Anötö ndê bêc ñambu-nga ti añkuc lêñ bocdinañ, ma akôm gêñ honñ tu bu bêc dau hôc asê ñagahô-nga.* Têñ bêc dinañ ya oc neñ gêñ undambê-nga ti gêñ nom-nga honñ su. ¹³ Magoc Pômdau gic bata nom ti undambê wakuc têtñ yac, nañ oc ti lau gitêñ si gameñ sêmbo-nga. Kwahic dec yac tañkwê bu dambo dinañ, ma dahônñ bu gêñ dau hôc asê.

¹⁴ Aneñ lau atac whiñ-nga, mac akêñ batam gêñ dau ambo, ma tu dinañ-nga dec akêñ nem ñalôm sambuc bu asa nem lêñ honñ gitêñ eñ, e bêc ñambu-nga hôc asê. Ma bocdinañ dec Pômdau oc tap giso

* **3:12:** Yêc ñabatiñ 9 Pita sôm bu Pômdau gic têtñ inñ ndê têtñ tu mbu menñ-nga bu kêtñ ñasawa têtñ lau bu sêkac si ñalôm kwi. Ma yêc Mat 24:14 Yisu sôm bu bêc ñambu-nga oc hôc asê dom e ñawaê ñayham nem nom ñagameñ honñ ahuc. Pita gêm la lau dau bu sêsa lêñ gitêñ eñ, tu bu lau sêlic ma sêkêñ whiñ Yisu-nga. Yac dakôm bocdinañ, ma dateñ mbec ti dapuc gwelenñ ñawaê ñayham-nga dônñ, dec bêc ñambu-nga dau oc hôc asê ñagahô.

daŋ sa yêc mac-ŋga dom. Inj oc lic bu mac nem lêŋ hoŋ ŋawasi, ma mac oc atôm bu ambo inj aŋgô-ŋga ti yom malô. ¹⁵ Anyalê bu Pômdau gic têku inj ndê têm mbu meŋ-ŋga ma kôc ndê ŋalôm dôŋ, tu bu kêŋ ŋasawa têŋ lau daêsam bu sênem dau kwi ma sêtap inj ndê mwasiŋ nem ŋac si-ŋga sa. Anötö kêŋ gauc ŋayham têŋ yac neŋ asidôwa atac whiŋ-ŋga Pol, dec inj to yom kainj tigenj têŋ mac. ¹⁶ Yêc inj ndê bapia hoŋ inj to yom pi gêŋ hoŋ dindec. Yom ŋatô naŋ inj to sip ndê bapia, naŋ ŋahu sip ŋalôm gi, ma lau gauc babalê naŋ sêkêŋ whiŋ gwalec, naŋ sêŋsôŋ Pol ndê yom ŋatô ma sêŋsôŋ Anötö ndê yom naŋ sêto yêc, naŋ ŋatô bocdinaŋ. Tu ŋac si lêŋ dinaŋ-ŋga dec ŋac oc sêniŋga.

¹⁷ O aneŋ lau atac whiŋ-ŋga naŋ asap Kilisi dôŋ ambo. Aö gakêŋ puc mac gwanaj su, ma bocdinaŋ dec ayob daôm ŋapep bu lau naŋ sêsôc Anötö ndê yom ŋapu dom, naŋ sêŋsôŋ mac, me sêkac mac su yêc Kilisi dom. ¹⁸ Asap yac neŋ Pômdau ma Ngac Gêm Yac Si-ŋga Yisu Kilisi ndê mwasiŋ dôŋ, bu nem ŋandô daêsam yêc mac nem ŋalôm, ma mac nem gauc anyalê inj-ŋga êŋsôwec tiatu-tiatu ndi e ati gwalam akwa akêŋ whiŋ-ŋga. Datoc inj ndê waê sa kwahic dec ma tôm bêc sambob. Yomandô.

Anötö ndê Yom Lêñsêñ Wakuc
The New Testament in the Bukawa language of Papua
New Guinea

Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 21 Feb 2024 from source files dated 31 Aug 2023

545e5ca3-1e95-59e4-8380-93951e023cf7